

Jan 4th Oct. 1898

大清光緒廿四年

本館新開除禮拜外每日出報一紙外埠均可函致本館無取

第五千零五十九號



申報

(號七第牌門口虱巴舊在設開館本)

印工絕倫並延有文士書寫各體文字現由上海購到

大英一千八百九十八年十月四號禮拜二 (仙查字每口日首台告備五張每色) 圓一月銀

移寓告白 ○啟者余現已移寓在土庫前芝亞里巷即舊麗如銀行邊前德律風公司巷內第一號門牌樓上辦理認務倘遠近諸君不棄謗陋惠然賜教祈即按址前來面商當不負其所託也此佈
大清光緒二十四年八月十八日
阮添壽謹啟

上諭恭錄

七月二十四日奉 上諭徐樹銘着充國史館副總裁徐用儀着充會典館副總裁欽此○同日奉 上諭四川雅州府知府員缺着李念茲補授欽此○同日奉 上諭雲南迤西道員缺着全懋績補授欽此○軍機大臣面奉 諭旨近日各衙門呈遞封奏有一日多至數十件者嗣後凡有呈請代遞之件隨到隨即日進呈不必拘定值日之期欽此○同日奉 上諭孫家鼐奏請設醫學堂等語學一門關係至重亟應另設醫學堂考求中西醫理歸大學堂兼轄以期醫學精進即着孫家鼐詳擬辦法兼奏欽此○同日奉 上諭徐里着教習庶吉士欽此○同日奉 上諭王順泰奏請革職等語該部知道欽此○同日奉 上諭山東濟武臨道張上達山東候補道黃瓊降補通判陶錫祺前經李秉衡奏奏均屬劣迹昭著張蔭桓混列保等語張上達黃瓊陶錫祺前在山東才品究竟如何是否可用俟到工後着張汝梅查明具奏欽此○同日奉 上諭孫家鼐奏遵議翰林院侍讀學士徐致靖請酌置散卿一摺古有侍從之臣皆妙選才能以各職遇有三品卿堂并翰林衙門對品缺出即由吏部一體開單請旨錄用以備獻納仍著按品給予俸祿應如何詳立條款着照定例著該部妥議具奏欽此○同日奉 上諭延茂奏遵查前將軍長順代奏前辦蒙莊被參各員呈訴冤抑情形據實覆陳各摺片據稱該省查夾黃一案委員張呈泰等前定增租辦法至今沿用其議非必不可行該委員等又無擅改蒙民原議勒驗佃民文契情事至鄉民聚眾抗拒以致匪徒乘隙勾結據張呈泰等具稟請兵彈壓向係分所當為文元同俊順丁春喜等帶隊前往諭解不從始行攻擊轉擒首從分別保釋自不得謂向不詳慎前將軍恩澤查悉處分實未免失之過重請飭部更正等語着該部詳核各情議奏請旨另片奏已革州同杜桐豫等三員被參各節查無實在劣跡等語着該部一併議奏欽此○二十七日奉 上諭總理各國事務衙門代奏道員汪嘉棠條陳內稱水旱偏災地方官宜軫念民困等語國家勤恤民隱每遇各省奏報偏災無不立沛恩施分別蠲緩乃任事各員不免假手吏胥因緩為利民間不能盡沾實惠甚至蠲緩騰黃遲之又久始行張貼以致經徵入官之數無可稽考種種弊端實堪痛恨以後除辦理賑務印委各員如有侵吞浮冒情事即行嚴定罪名外其各督撫常年具奏蠲緩分數即於奏報到日由電諭知各該省着照所請行該督撫即將應蠲緩分數並奉到電旨即日刊刻謄黃備行曉諭不得復藉口於部文未到稍有延擱致滋弊竇將此通諭知之欽此○同日奉 上諭岑春煊奏徐海等處被災嚴飭州縣不准諱匿苛斂等語各省小民孰非朝廷赤子遇有災祲饑饉流離朕一人耳目難周全賴地方官撫綏賑濟以蘇民困若如所奏江南徐海等處上年被災各州縣並未據實詳報仍將漕米苛斂各節等語如果屬實不知牧令是何肺腸惟不肖官吏視玩民瘼不止江蘇一省著兩江總督確切查明如有諱匿苛斂情事即行嚴參懲辦並著各省督撫嚴飭各州縣等如或徼倖成動補授欽此○同日奉 上諭恭以副朕痾瘵在抱之至意欽此○八月初一日奉 上諭吉林副都統著成勳補授欽此○同日奉 上諭翰林院奏代遞庶吉士丁惟魯請設歲計表頒行天下摺戶部職掌度支近年經用浩繁左支右絀現在力行新政尤須寬籌經費以備撥用朕惟古者大宰制國用量入為出以審國計之盈虛近來泰西各國之大計以期節用豐財蔚成康阜朕實有厚望焉欽此○同日奉 上諭戶部奏代遞主事祭藩審定官職以成新政一摺朕詳加披閱除御史規復巡按舊制各關監督改歸關道兩節應毋庸議外其餘所陳各條均有條理深得綜核名實之意可以見諸施行著軍機大臣會同大學士各部院并翰林院科道各官詳議具奏欽此○同日奉 上諭現在練兵緊要直隸按察使袁世凱辦事勤奮操練認真著開缺以侍郎

侯補責成專辦練兵事務所有應辦事宜著隨時具奏當此時局艱難修振武備實為第一要務袁世凱惟當勉益加勉切實講求訓練俾成勁旅用副朝廷整飭戎行之至意欽此○初二日奉 上諭福建福州府知府員缺緊要着該督於通省知府內揀員請補所遺員缺着士貴補授欽此○同日奉 上諭福建督糧道員缺着胡徵幹補授欽此○同日奉 硃筆唐椿森着補授刑科掌印給事中欽此○同日奉 上諭劉坤一奏遵保使才一摺江蘇補用道錢樹培試用道阮祖棠補用道羅嘉杰試用道陶森甲候補道沈敦和安徽候補道張佩緒着該督撫即飭各該員來京預備召見欽此○同日奉 上諭工部主事康有為前命其督辦官報局此時尚未出京實堪詫異朕深念時艱思得通達時務之人相與圖治康有為素日講求是以召見一次命其督辦官報局以報館為開民智之本職任不為不重現籌酌款銀著康有為迅速前往並着毋得延遲觀望欽此○同日奉 上諭直隸按察使著周蓮浦補授福建興泉永道員缺著德祜補授欽此○八月初三日奉 上諭陳兆文奏敬舉通達時務人員以供任使等語翰林院庶吉士林穆勳著預備召見欽此○初五日奉 上諭州縣為親民之官必須才守兼優庶無愧父母斯民之任近來督撫往往意存遷就不得從嚴考核甚至著名要缺或以調劑私人不思庸劣者濫開仕途賢能者轉多屈抑殊非綜核名實之道該督撫等受國重寄必當以吏治民生為重以後無論實缺署任均須為地擇人不可為人擇地如有疲庸不肖之員隨時甄別務期仕途澄清官方共飭用副朝廷察吏安民之至意欽此

黜退京官補誌 ○京師急變誅戮維新黨眾本報經已連日據電錄登茲接香港來信載其轉接上洋電語尚有前報所未錄入者茲特再行錄出請閱者作鴛衣之補綴觀之可耳據云御史宋伯魯楊深秀均已革職而新授農工商務局總辦京堂銜徐建寅吳懋鼎端方三員亦經黜革等語按近來得罪諸臣固皆維新之黨亦即康黨康主事既獲重譴則其黨眾安得瓦全竊嘗聞深於閱歷者言天下事太便宜者必不可為此即禍福乘除吉凶消長之理試觀本報昨擬被罪之六京官及此節所登之三總辦均係一時驟驟顯要平日既未積功累德一旦因大臣之薦而片言求合即立越次超陞是即所謂得便宜有奇福者必招奇禍也惟是康有為之罪狀究向未明傳者雖謂其謀弒君上究竟此乃莫須有之獄即至愚者亦可以諒其冤惟觀英國公使知康在逃即立電致其海軍提督請為保護此事在閱者不免疑而莫釋成謂康不過一主事耳既非顯爵高位又非向外交人員則何至傾動英人專派巨艦沿路為之保護迨抵滬後又復延致營房居住此等舉動實無怪閱者生疑因為之反覆推求而後乃明其故蓋英俄兩國近因中國之事正在相持不下互爭先著若奕棋焉一子之差即將滿盆落索今朝中當事者則或袒英或袒俄紛紛不一而英國向來作事最稱得氣之先近見康有為密謀預商之件但非外人所能得悉乃康一口被罪而下因而深相結納欲使康左右於 上側以為之地俾親英而遠俄然則英使與康必有密謀預商之件但非外人所能得悉乃康一口被罪而英使念同舟之誼故不得不竭力救之惟諸電多係英人所傳而中國各西報亦多英人所設為親者諱故遂隱其與英使結納一端耳不然則康自行事與英無涉又何勞英使如此殷勤哉凡此情由皆可以理而決者細心體察即可得之爰將鄙意所及順附報中善觀時勢諸君其以僕言為何如也

名冊編定 ○工部局每歲例將諸人之可充局員及可公舉他人以為局員者列其芳名存於冊內并在憲報刊登以昭坦白然或有漏未列入之處可由本人往為請改茲工部局已將此事在本報刊列告白通知覽之便悉

花柳送院 ○近日護署出有示諭分貼各差館前其意謂本坡國家現已設有醫院一間坐落竹脚差館後第二座橋進入之處此醫院係專醫花柳雜症無論男女婦孺有染花柳者無論何時均可赴院調醫所有醫藥之費概由醫院自理無庸病者支給云云國家之設此院大抵因妓女驗身之律弛去而花柳之疾遂漸多故特設此以救其弊也

暹電偶斷 ○本坡電線局現出佈啟云由叻以達網略之電線兩道現均損壞不能發電往來等語然則此電當俟修復後始能代傳消息也

呈稿照錄 ○具呈禮部主事王照為瞻混拘牽難行新政請 布諭音以祛眾惑廣 慈訓以定眾志設教部以釋眾疑呈請代 奏事竊自本年四月奉 上諭明定國是以來每有論旨有識者無不歡躍以為天相中國開啟 聖聰四萬萬民福命未絕即西人寓此者對中國人喜形於色脫帽頂祝曰 貴國大皇帝如此英明為目前環球列邦帝王所不及惟俄之先君彼得彷彿似之此職所親見親聞非設詞也惟兩月以來 皇上英毅奮發雷厲風行而諸臣遷就彌縫傷為忠諫之詞實陰怙其舊習上以誠感下以偽應其號稱持正者相與歛歔嘆息 詛咒聖躬而人皆習聽不以為非若不早為勸化恐 皇上力愈奮而勢益孤也謹條列轉移人心要端以備 采納一請 旨宣示削亡之禍已在目前竭力挽回猶恐緩不濟急勿空言萬全也甲午以前我國之力本不足立於羣雄之間所以暫容作大者賴羣雄適相忌也俄路東指英人束手日本乃急發難我大臣不悟既挫之後又思倚俄以息肩以致列國生心自去冬以來環送進步並未歇手夫西人雖攻伐之際亦從容盤教况我國已無戰之可言而諸臣則以為目無烽燧耳無鼓鼙不過偽墮西人小術而已仍復貌為壯論以改舊章為傷元氣以黜新議為杜亂萌以空言正學術為純臣以自任滅外患為良將夢夢鶻語不知其非今匪徒滋事無不託言殺鬼子者士大夫反多視此為中國之

元氣歎其為義民愚民無知遂居之不疑實則外人割要膏剝脂膏吸精髓我皇上一人自痛之而所謂純臣良將義民者皆疑為虛聲惆悵

而未覺其痛也此其受病譬如癩熱狂叫必以涼劑平之而其支體之殘氣血之虧始能自覺始能調養始可再言強壯今令通國全曉然於強

弱之分自有本原各國士農工商人人講習之非一朝一夕之故必難以謬巧而勝此攻邪熱之涼劑也夫外人視我洞若觀火我何必掩耳盜

鈴苟不於此顯揭危亡之由此等偽純臣偽良將為義民在在掣皇上之肘以致變法無效迨目見國旗之換伊等始知滅亡必且死而不悟

仍歸咎於皇上之變法我國人心昏悖已極擬請旨剴切宣示四民智能遠遜各國議論浮偽萬難圖存令地方官刊刻遍佈使人知危

急存亡朝廷苦心挽救然後浮偽之論不得持權四萬萬人同心奮勉急起直追庶不至再造能有富強之日此轉移之一術也一請皇上

奉皇太后聖駕巡幸中外無庸警蹕以祛浮靡而益光榮也自中外交通我皇太后聽政三十年焦勞備致所有變通之端皆皇太后開

之皇上繼之實與域多利亞東西媲美非荷西諸女主所能並論惟國勢不同諸臣奉行亦不力以致尚勞今日之肇畫而皇太后起衰振

靡之志亦久著於環球各國矣今者合萬國之歡心以隆孝養正宜奉慈駕遊歷鄰邦藉以考訂政策決定是非宜先自日本始中日匹敵

日主日居於我皇太后無異姪男女其佐皇上以捧觴上壽何快如之但此議一出阻撓者必以先往為自卑殊不知各國之例原不以此

判尊卑今地球之上比權量力英俄可稱兩大國使臣賀俄加冠俄主乃遂躬履同洲各邦英主每歲避暑至法視與巡幸境內無異不聞法

因此而尊俗儒之見不復辨也泰西國主或隨意偶遊街市百姓見之脫帽為禮以表親愛兩君相會路旁萬眾歡呼跳舞而之禁此我入鄰

境不能獨異者也即在我國境內亦宜變通近世凡有巡幸先期數月地方官將御路左右村市廟宇飭令修整以壯觀瞻不令露彫殘之狀

夫古者陳詩納賈就問百年於民間實際維恐不周知周禮雖有出蹕不過清道去阻礙而已近世警蹕日嚴變輿所經除例得跪迎人員及

軍校外闈其無人此蓋後世人臣束縛人主之術故為鄭重費勞令其不敢輕動藉便蒙蔽之私圖今將考證於中外之故正宜破此積習何可

然後善則稱親以孝治鎮服天下而天下莫敢復恃異議此轉移之術二也一請專設教部以重宗教而免糾纏也自來陋儒墨守章句皆藉口

於權減聖教於是經濟家特標明西法不外孔教惟近日談時務者拘文牽義專欲以儒書課經濟如科場新章第三場始就經義如額取中夫

前二場考政藝各事所選之人平日功力層累繁重憂其難至第三場專較文字三人去二而所謂四書義經義者果道德乎抑不過如前此

之文章乎時事至此尚以務虛名而矜人志氣阻人精進乎夫孔子之道無所不賅而道德與政藝各分體段相貫而不相雜譬如醫理偏身

知覺運動皆由腦筋無微不入而先生高論遂令弟子之學治手足胸背臟腑牙骨之疾者皆於腦求之竊恐徒延歲月卒無一有把握之學生

也夫西人之深入其教也亦謂各項有用之學皆原本於其教亦非虛言也然其設官分職以正人心厚風俗也則有特派之總監督焉各教會

教堂隸之以育人才資幹濟也則有學部焉大臣統之大小各學堂隸之其教會教堂偏於國內通國無一人一日不在教中此奉教之事也若

大小各等學堂亦編於國內每七日中盡其六日除晨夕饗殮祈禱其偶言外孜孜講求小學政藝各學循序而進或兼習或專精縱其才力

所至月考季考歲考大考各等學堂以次上升以備國家之用其功令與教事無涉此育才之事也亦有不設總監督者則兩類之事統於一官

仍係分治而不相混今欲以孔子之教正人心而如此牽雜於各等學業之中恐徒多論說人才不出而孔教益微今請以西人專奉西教之

法尊我孔子之教以西人培植人才之法治育我中國之才特設教部就翰林院為教部署以年高之大學士統之專講三綱四維經常大道翰

林院官討論之學政督之教職勸之飭各邑各鄉皆立公所聚講儒書令鄉老族長書其品行之優具結上陳教官訪其確否徇謬者重罪之勿

得如前此之舉優視為具文三年一考考以四書書義經義每州縣拔一二文行兼優者作為優貢生備作教官其章服禮數格外優異以榮之

廣勸教品讀書仿傳教之法以行孔教此教部之備責無難恢之彌廣遠也至各等學堂政藝門各業亦自博大精深層累而上為生員舉人

進士其升考之際皆以經濟定去取亦帶課經義而已若學堂之學生係曾為優貢生者遞考升入大學堂成進士後即用為翰林以備作相

非優貢生之進士經義較優者亦拔為翰林其餘因材器使概不以文字繩之如此決定程途然後道義之說不相糾纏有真品而無浮議人才

可望有成此轉移之術三也倘蒙采納施行則疑感悉解眾志成城然後新政遞頒方可行禁止無所阻滯矣伏乞代奏 謹呈

講求西學 ○西報云中國大皇帝自中日戰後肆力學習英法二國語言文字法文業臻純熟今又專習英文皇上乃天縱之聖且每

日必學習二時用功勤敏故能一覽無遺也譯畢不禁為吾大清臣民額手相慶我中國自強之轉機洵不遠矣

中英近事 ○英國日報言英京紛傳中英兩國近有交涉要件英國欲向中朝要求數事已諭令駐華英國水師提督西門將中國各

稅關及船隻盡行據守俟總理衙門允償所欠始能罷手云云英國所要求者究屬何款局外無從探悉亦未聞英國提督有據守中國稅關船

隻之事據云英京紛傳此說或由傳聞之誤或英提督經已奉命向未見諸施行亦未可知當羣雄僑處之交洵有難乎為國者矣

汰員新法 ○近來 朝政日新力加改革蘇省當道自奉本月十四日電傳 諭旨飭令裁汰閒冗之員已議得除實缺各官即可遵

照辦理外其甄別之法惟有詳加查察無論現任候補有年老六十歲以上者及有嗜好者有本缺離家在五百里之內者有父子伯叔兄弟同

省者已置有產業者均令回籍或改省聽其自便實有不能還鄉者酌給川費視年終貧員之例如無前項違碍年力富強才能素裕者准令各員各舉所知如一人而有十八人稱賢者即為卓異其次五六人三四人委補差缺以此為輪次倘二人皆經十人荐舉則視到省先後如此實力剔除約計十可去其六七毫不費事庶有力者無可施其技實能者得以見其長真為仕途一大轉機不禁拭目俟之矣

土匪駭聞

○本年瓊州各屬土匪聚匪時出騷擾經已疊紀前報昨有友云該處土匪聚於大王山地方眾約數千人每當出劫則用匪首藍鏡高名字先行標貼聲明迨起程時復在山上築台點名祭靈該匪首實係黃姓乃該處老廩生上月初旬某日糾集二百餘人擁至縣城即槍入縣署肆行劫掠并將囚犯二十餘人盡數放出祇剩有湖南犯人兩名以係外籍不放臨去時有民人某甲在屋內探首偷看被匪鎗傷殞命邑尊當大令國路於本年四月十二日始行接印視事因城中兵差極少無從剿捕事後飛稟道府憲立調兵勇五百人馳往進剿適遇匪等以二千餘人往攻附近不令城勇等遂趁勢趕連日與匪對敵各匪軍火不繼當即退回山中惟匪勢披猖兵力微薄該匪首又從中勾連黎匪互相犄角該營營弁不敢深入重地復行飛稟請再派兵協同進剿未悉近日能否奏功也

聯辦金礦

○新疆省南北路礦務累年虛擲巨費艱於報成仕途中人論及礦務皆有談虎色變之勢俄國遊人馬堂四福謂天山北路直至爾阿泰山一帶金苗甚旺擬請租地探金饒中丞以租息甚輕利權旁落徒滋事端拒勿之允馬堂五福駭駐迪化之領事吳司本曉舌於駐京公使志在必得當局不得已而許之議定華俄合辦工本各出其半吳領事電請俄領事携機器乘莫斯科火車如飛而來擬先勘塔城廳喀圖及庫爾喀喇烏蘇之濟爾噶朗四月中饒中丞委已革澎湖通判陳步梯候補知縣周杰候補縣丞施再萌陳源裕與俄人會商一切云

不負知音

○金陵儲材學堂總辦楊誠之觀察兆黎精通歐洲各邦語言文字及一切中西有用之學自總辦儲材學堂以來各生成就實多蓋以觀察幼年肄業京師天文館學力久已獨冠其儔久為南洋大臣劉峴帥賞識有素許為遠大之器茲奉 上諭保薦人材因以觀察姓氏上達 天聽一面飭令料理入都以前 顧問觀察即於二十二日特詣督轅叩謝並請假十日部署一切矣

馬隊著名

○湖北襄陽府馬隊向來馳名今因國家整頓武備不遺餘力襄陽提憲吳鳳桂軍門謹遵 諭旨故于馬隊一軍尤認真勤加訓練各極其技足備干城之選湖北通省各軍皆能照此辦理非特鄂中之福亦國家之幸也

遼陽水患

○距遼陽城七十里河頭窩地方因前月連日大雨山水暴漲平地陡深數尺數十里內低窪之地患水者十餘處泥房草棚多被淹沒鄉民嗷嗷待哺情殊可憫且今歲秋收不甚大好更為可慮未知大憲作何辦理也

聖教昌明

○日本之橫濱埠本通商總匯之區我中國人之旅居者素稱繁盛該埠華人近倡崇祀孔子之議以明保教之意業經公舉董事四十五人設立章程十數條承垂為例因開辦之始未能建立聖廟先在中華會館設像供奉以昭肅敬其大致每年八月廿七恭逢聖誕日闔埠舖戶一律升旗張燈致賀男女老少分上下午齊赴會館恭祝是日不論工商停工一天如有要事不停者聽聖誕行禮畢即在會館宴飲凡與祀事者每人捐銀七毫半與宴飲者每人捐銀二元多捐者聽自本年聖誕崇祀後闔埠華人除用光緒紀年外兼用孔子紀年庶幾保教尊王兩端並重又以西人禮拜之日即孔子七日來復之訓我華人亦宜恪守斯義以示不忘其開辦章程及尊聖歌將來都輯成書使人朝夕誦誦此該會倡設之大畧也

若觸天怒

○東京來信云東歷八月廿七號志佐山口早岐大邱四處來電云昨宵暴雨傾盆山水洩瀉不及以致汎濫無窮隄岸皆決低窪處水高一丈數尺流失橋梁數十座倒塌房屋數百間歷一晝夜風雨始止人民幸未大損然過圍數百里已盡成澤國矣又佐賀縣有田地方亦遭風雨之災平地水高一丈五尺有奇沖去民居二百餘家鐵道橋梁亦為流失電信不通者一日又鹿兒島所屬沖永良部島罹災更巨民間房屋等十去其九似此巨災實為二十年來所未見也○八月二十號午後山梨縣中府市稻門大字遠光寺町地方某線絲廠中究遭雷劫廠中女工共有五十八人因此受傷者十九人幸未殞命而二十三號愛知縣北設樂郡上津具村地方亦被雷火之厄延燒居民三十餘家

痛定思痛

○普法之戰兩國將士歿於陣上者楚觀難封是向來惡戰之所僅見者也事隔二十餘年未有紀其死傷之數者現譯西報始知之照登如左據外人默計法人之死於是役者共一十三萬六千人內有陣亡者三萬人受傷而斃者三萬六千人為德所俘被囚而死者二萬人餘或死於意外及病惟法入自計則陣亡者十三萬八千人傷於意外而愈者一萬一千四百二十一人行軍受傷醫愈者三十二萬八千人之譜合死者傷者而計則共四十七萬七千四百二十一誠慘矣而德人之死者陣亡則四萬零八百七十七人其因傷重而死者不在其內合計共死七萬九千一百五十五人傷而醫愈者一萬三千五百四十三人彼此相計可知其勝負之數矣至其苦戰之時則德國之炮兵發大炮轟擊共三十萬响步兵鳴鎗以擊者共二十萬响德於戰勝後奪得法炮臺上快炮者五千五百二十六門在戰場上奪得快炮者一千九百一十五門奪獲旗幟及寶星共一百零七件奪獲快鎗八十五萬五千桿尚有事後在戰場上檢得者不計由此推度可見當日鬼哭神號也一將功成萬骨枯猶其小焉者矣

小孩墮井 ○某氏子年方五歲住居振成山上十六日偶在井傍嬉戲不知何故竟至墮於井中迨經家人知之救已無及亦可傷矣
傷人案錄 ○十七晚約七點三刻鐘時有法國雜匠某甲與意國雜匠某乙在大馬路某酒店中爭鬧事緣乙欲貸欸二百元求甲作
保而甲不允因而滋鬧即經店主將其二人逐出詎二人復闖於路而乙猝出利刃向甲脅下刺去因被刺傷幸非甚重即經差至將乙執獲一
面送甲至西醫院中調治因甲未愈故猶未能對簿公庭也
擬逐積犯 ○閩人陳良積匪也嘗犯盜騙等案監禁十一次之多現已繫獄滿期例將開釋惟該匪既已怙惡不悛留於叻中終非地
方之福故於十八日經將該犯送至督轅核奪想又不免作衣錦之行也
被騙案錄 ○叻產閩婦許氏昨赴竹脚差館報稱住居甘公加薄本年五月初二日有同籍婦人某氏到家借去磁鈕二枚磁耳塞
一對共值二百五十餘元屢詢不還情同棍騙故特控之云云至此事了結如何容當續報
黃堂警錄 ○前報丹戎巴葛僱有車送貨至廿八洋行被其載而逃遁一案業已獲到潮人蔡亞保郭中秋蔡益州林喜春四名解
案十八日復經府憲提訊命將郭中秋蔡益州二人省釋作為干証惟林喜春一名因在醫院調醫未愈故命展至廿五日再訊而蔡亞保一名
仍前責保二千元○前報柔佛坤甸港主潮人陳文錦控告三板榜人吳振盛竊獲銀項七百餘元一案同日府憲提訊據陳供稱人証刻尙未
齊求暫展限府尊准如所請命展至廿五日再訊○詔安人陳喜前日請票拘獲陳德成於案據稱向在小坡正興街開設香蕉店十四日被
成竊去洋銀廿五元五角及綢衫褲各一件云云是日府憲提訊時據陳德成供稱余與陳喜本係叔姪之親余向住龜咯種植薯芋等物每次載
貨來叻均託喜店代沽嗣見喜給價不公知有吞騙之端在內故近來即將貨物轉託他家代賣喜因此嫉恨遂誣告為竊耳府尊訊畢以德成
供詞可信因命將其開釋○前報潮人林裕通因担保叻產潮婦林亞玉被其逃去無力償還保項至繫獄三閱月林心不甘故將玉夫莊銀枝
即無牙容控告一案同日復經府憲訊定判將莊繫獄半年示儆

吉龍唱和 ○朝鮮尹溪石先生頃遊吉龍是處馮君遂知與潘蘭史山人有舊接山人函掃徑下榻備地主之歡并贈詩云吾愛尹夫
子書名播海濱南宗尊聖東土有詩人數載神交久一朝相見親結緣文字侶亦足證前因書學鍾王不易能羨若神隨得其真脫胎科蚪飛
騰出下筆龍蛇變幻新萬里風濤開妙悟七言詩句邁凡倫伯英未許專前美猶有句隴後起人故宮怕詠黍禾詩已拚飄蓬任所之暫借江湖
留翰墨更從山水遍題詞重演蹤跡緣非易一劍風塵醉可知語我五羊風景好河南剛熟荔枝時 註先生曾遊羊城宿潘蘭史河南草堂
溪石即步原韻云豈獨壯遊梁遂君遠島濱南離想文藻古諒見斯人傾蓋渾如舊投荒得所親陳蕃頻下榻佛氏有緣因 賣賦備書僕豈能
且從文字締情真叢編早刊琅玕富 註馮君有刊琅玕館讀書 圖書平添邱壑新 君擅山水 世外桃源成小隱海濱萍寄樂天倫 君
關園種檣携眷以居 嶺南名士交都偏失喜天涯遇此人 珠璣折柳記刊詩君刊有珠江唱和詩 航隲風懷似牧之舊友多情成韻事草
堂久別憶清詞歸舟烟樹三春詠被酒江湖兩地知只恐雲萍留不住更尋鴻雪是何時於此記海隅唱和亦一段翰墨緣也

工部局告白 ○啟者特此通知凡新嘉坡工部局內所轄各地段諸人照例可以充當局員及有權可以在各段公舉他人以為局員
者其芳名册業經改正列入國家憲報之內並有底册存於本局寫字樓以便諸君到而查閱至諸人有權可以入票公舉局員及其自己可充
局員而其名尙未列在更改册內者祈即將其芳名及其居址事業等具字通知本局司理人可也特此佈告
西一千八百九十八年十月四號 署工部局司理人綿惹至奉命謹啟

新式快車出售 ○啟者本行現由美國到有新款兩輪之足踏車此等快車名曰麗敦車身甚輕故能快捷而行駛又不須費力且復
堅固耐久乃是踏車中頂上之品至本行所到此等之車各款俱備以憑選擇 諸君有欲購用者祈早 惠臨選購為盼
大清光緒二十四年八月十五日 西歷一千八百九十八年九月三十號 勞民申雜貨公司謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均
照舊例新到上海箋及金榜紙寄售 光緒廿四年七月十八日 啟子

藥店召頂 ○啟者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻
報館面詢便得 光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正
人心所宜亟為攷究者 諸君賜顧請移玉至本館面商可也 大清光緒二十四年五月十三日 本館謹啟

新到
啓者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油爲廉每桶約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
大英一千八百九十八年八月十八號
轉珍目兄弟公司謹啟

實知寶西醫鑲牙廣告
啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能堅固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并爲烏里燕達性命保險公司代理華人性命保險之事 諸君賜顧請至未得里路第六號門牌樓上商商爲盼
大英一千八百九十八年六月二十八號
牙科醫生實知寶謹啓


店舖
啓者茲有店舖一間坐落溝仔墘第廿五號門牌即順源棧之隣前經該棧稅爲貨棧者茲欲將其樓下及後樓出租與人諸君有欲稅住者請至墊那路頭豐興號內向余詢問便得特此佈聞
光緒廿二年十月廿四日
薛連錫謹啟

**福建漳州府詔安縣江天恩先生精岐黃之術存保赤之心發藥不虛活人無算於何見之緣豚兒本年正月間偶沾外感之症午後熱發延醫治理後變爲癆嗽初不以爲要及至閏三月忽爾骨枯肉脫昏迷不省人事兼以泄瀉日夜臥於床席諸藥罔效幸允昌號黃孫江兄見此症危甚特地爲余保存云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣其此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非星嘉坡之幸哉余先受其福焉爲勸數言以鳴謝悃甚願有采薪之憂者登堂請教定卜同躋於仁壽也夫
大清光緒廿四年七月廿三日 鄭譽錦敬啟**

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啓

正呂宋烟



啓者本號親自在小呂宋採辦意未耶拿廠揀選正地道烟葉製造各款星妹麥仙花麥雙馬麥呂宋烟枝經已馳名中外其雙馬麥中更有二百庄白結度經尤爲冠美氣味香順蒙採客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議是禱各款麥頭太多不能盡錄謹此佈 聞
大英一千八百九十六年十月十九號
新嘉坡馬交街生昌泰謹啟

豐源號

本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈

在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由芙蓉往芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啓

正金鐘標萬蘭池酒發客



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒

所上有各學如無本行呼峇華字者即爲假貨幸勿爲之誤買本行有厚望焉
大英一千八百九十八年正月十三號
不殺呼峇即前加珍洋行謹啟

製法之法
精妙異常
酒味甚清
以之蒸釀
者皆爲上
等之料保
無係充之
弊此酒若
在本坡沽
飲其屬合
宜且價亦
甚廉諸
翁沽用須
爲留心辨
明以免魚
珠之混現
在市上假冒者甚多以
呼峇華字者即爲假貨幸勿爲之誤買
不殺呼峇即前加珍洋行謹啟

售出酒池蘭萬標仔冠首紅

大英一千八百九十七年二月十二號

不殺呼峇即前加珍洋行謹啟




Bisquit Dubouché & Co.
COGNAC

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有差本館鑒於前年叨地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟惠照

本館謹啓


鐵廚出售




啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈
大英一千八百九十八年正月十三號
不殺呼峇公司即前加珍洋行啟

馳名織廚發售

嘗思營生之道所最要者則惟數簿其大則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購置此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商




諸君有惠顧者祈即玉

所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出品售

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



烏密酒發賣



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟


法國頂上蜂窠標萬蘭池酒發客



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

明嗎也洋行謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟

